

REGIONAL NEWS UNIT

ALL INDIA RADIO GANGTOK

BHUTIA NEWS BULLETIN

BROADCAST: 18:50 HRS

DATE: 19/12/2024

NORTH SIKKIM ROAD

བྱང་འབྲས་ཕྱོངས་ གྱི་ མན་གན་ རྒྱུང་ཐང་ གི་ Theng Tunnel འཁོར་ལམ་ གདང་ ལས་ འོག་ནི་ རང་ ཕྱིད་པོ་ སྤང་ སོང་ཁའི་ ལོའི་ རྒྱ་རྒྱུད་ གནོད་སྦྱོར་ རྒྱབ་ལས་ འཁོར་ལམ་ འདི་ ཅིང་ ཡོད་པོ་ སྤང་ དང་ འཁོར་ལོ་ ལུ་ Shipgyar ལམ་སང་ པན་ཚུན་ སྐབ་ཞན་ ཡོད་པོ་ ཨིན། གདང་ བཞག་མཁན་ ལས་རིམ་ ན་ གཞན་ ཉང་མི་ སློན་པོ་ དང་ Lachen Mangan གི་ སིད་བྱས་ འབྲས་མི་ སྐུ་ཞབས་ Samdup Lepcha ཨོ་ཁར་ རྩོན་བ་ ལྷོ་ སྤང།

NIT TOUR FLAG IN

སིད་སྤྱོད་ སྐུ་ཞབས་ Om Prakash Mathur གི་ ད་རིང་ Raj Bhawan ན་ རྒྱལ་ཁབ་ གཅིག་མཐུན་ སྐོར་པོ་ NIT 2024 – 2025 གི་ ཚོར་མི་ ལུ་ ལོ་ དར་ཚུག་ ལྷག་ནི་ བདོན་ལྷོ་ ཕུལ་པོ་ ཨིན། སྤྱོད་ འདི་ ན་ ཚེས་ ༥ ལས་ འགོ་བཙུག་ མཁན་ སྐོར་ འདི་ གདང་ རྩོད་པོ་ སྤང་ རྒྱ་གར་ དམག་མི་ གི་ Trishakti Crops གི་ བཞག་མཁན་ འབྲལ་སྐོར་ ན་ ཤར་ འབྲས་ཕྱོངས་ གྱི་ ཕྱི་ལྷོ་ ས་མཚམས་ བྱང་ལིབ་ ལུ་ ཚོང་དགྲ། ཐིང་གྲ། སྤྱོད་ས་ལའི་ སློབ་ཕྲུག་ ལུ་ ལོ་ རྩེ་ལི་ གསར་པོ། Deradoon, Masoories, Rishikesh དང་ Kolkata གི་ གཟིཊ་སྐོར་ བྱས་པོ་ སྤང་ Operation Sad Bhavna Project དོན་བཞིན་ སྐོར་རེ་ འདི་ ན་ ༩ ཐམ་བ་ འབྲས་མི་ ལུ་ མཉམ་ཅེ་ ༥༥ ཐམ་བ་ སློབ་ཕྲུག་ ལུ་ གི་ ལྷུང་འགན་ ལེན་པོ་ སྤང་ བདོན་ལྷོ་ ལས་རིམ་ ན་ གསུང་ཤང་ གནང་བཞན་ སིད་སྤྱོད་ གི་ འབྲས་ཕྱོངས་ གྱི་ འབྲལ་སྐོར་ ལུ་ གི་ སློབ་ཕྲུག་ ལུ་ ལོ་ སྐོར་ཤང་ ན་ རྒྱིག་ ཐོན་ཤང་ དོན་ལས་ རྒྱ་གར་ དམག་མིས་ ད་གྲིཊ་ ལོ་ དགའ་ཁྱ་ འབན་ཞན་ དང་ གསུང་པོ་ ཨིན་ - འདི་ སྐོར་ཤང་ ལུག་གོ་ མ་ཐོན་བ་ རྒྱལ་ཁབ་ སྐོར་ལས་ ཤེས་ཡོན་ ཐོབ་ཤང་ གོ་སྐབས་ ཡང་ ཨིན། རྒྱུང་ལེན་ མཁན་ སློབ་ཕྲུག་ ལུ་ གི་ རྩེ་ལི་ གསར་པོ་ འབྲལ་སྐོར་ བྱས་ཤང་ ཉི་ལམ་ སྐབ་མཁན་ དགའ་ཁྱ་ འབོན་པོ་ ཨིན། སློབ་ཕྲུག་ ལུ་ གི་ གསུང་པོ་ དོན་བཞིན་ རྒྱ་གར་ དམག་ མི་ གི་ སྤྱོད་དར་ ལས་ཁུང་ གི་ གཟིཊ་སྐོར་ དང་ དམག་མི་ ལུའི་ ཅིང་གི་ ཚེན་པོ་ སྤྱོད་དར་ གཟིཊ་ནི་ ཁོང་ ལུ་ ལོ་ རྒྱ་གར་ དམག་མི་ ན་ མངལ་ཤང་ སེམས་ཤུར་ ཐོབ་པོ་ གསུང་པོ་ ཨིན། སིད་སྤྱོད་ གི་ དར་ཚུག་ ལྷག་ཁའི་ རྒྱབ་ལས་ རྒྱལ་ཁབ་ གཅིག་མཐུན་ སྐོར་ཤང་ རྩོད་པོ་ ཐག་བཅད་ ཐོན་པོ་ ཨིན།

ORGANIC STATE AWARD

ཤར་ དང་ བྱང་ཤར་ རྒྱ་གར་ ན་ སློན་པོ་ Yatra Mart ཐེང་ ༥ པོ་ Bengal Tourism Mart 2024 ན་ འབྲས་ཕྱོངས་ མངའ་ཕྱེ་ སོད་རང་ ཕུལ་པོ་ ཨིན། སི་ལི་གྲུ་རི་ ན་ སོང་མཁན་ གཟའ་ དམེཊ་མར་ ལས་ འགོ་བཙུག་ མཁན་ ཉེམ་ ༩ རིང་གོ་ ཐེངས་ ༥པོ་ Bengel Travel Maat ད་རིང་ རྩོད་པོ་ ཨིན། གདང་ བཞག་མཁན་ སོད་རང་ མོག་ཤང་ ལས་རིམ་ ན་ མངའ་ཕྱེའི་ འབྲལ་སྐོར་ དང་ མི་སར་ ཕུར་ཉང་ ལས་ལག་ གི་ དྲུང་ཆེན་ སྐུ་ཞབས་ Prakash Chettri, གོ་ སོད་རང་ འདི་ ལེན་པོ་ ཨིན། དབྱས་གཞུང་ འབྲས་སྐོར་ པོ་ སློན་ཚོར་ ཁང་ དང་ རུབ་ ཉང་རྩལ་ འབྲལ་སྐོར་ གི་ རོར་རམ་ ན་ ལས་རིམ་ འདི་ ཤར་ གང་ནི་ འབྲལ་སྐོར་ དང་ སྐོར་བ་ ད་གྲིཊ་ སྐབ་མཁན་ ཚོར་པོ་ ལུ་ གི་ བཞག་གོ་ སྤང་ འབྲལ་སྐོར་ པོ་ Mart ན་ རྒྱལ་ཁབ་ གི་ མངའ་ཕྱེ་ ལུ་ Gujarat, Rajasthan, Telerana, Madhya Pradesh, Assam, Tripura དང་ Odisha མཉམ་ཅེ་ བལ་ལུལ་ འབྲལ་སྐོར་ board དང་ Pokhara འབྲལ་སྐོར་ Council གི་ རྒྱུང་ལེན་པོ་ སྤང་ རང་ གི་ གསུང་ཤང་ ན་ མངའ་ཕྱེ་ གི་ འབྲལ་སྐོར་ དྲུང་ཆེན་ གི་ འབྲས་ཕྱོངས་ གྱི་ འབྲལ་སྐོར་པོ་ ཤུག་ དང་ འབྲལ་སྐོར་བའི་ ཡར་རྒྱས་ དོན་ལས་ མངའ་ཕྱེ་ གཞུང་ གི་ མ་འོང་མའི་ འཆར་གཞི་ ལུ་ སྐོར་ལས་ རྒྱབ་སྐྱོར་ གནང་པོ་ ཨིན།

RS KHELO INDIA

དབྱས་གཞུང་ གི་ གསུང་ཡོད་ - Khelo India འཆར་གཞི་ དོན་བཞིན་ རྩོད་ཕྲག་ 1250 ཐམ་བ་ Khelo India ལས་ཁུང་ ལུ་ལོ་ ཐག་བཅད་ བྱིན་ ཡོད། འདི་ ནང་ལས་ 1041 ཐམ་བ་ ལས་ཁུང་ ལུ་ ལོ་ གསལ་ཁྱ་ བཀའ་སན་ ཏོན་ ཡོད། Rajya Sabha ན་ ད་རིང་ གཅིག་ འབྲི་བའི་ ལན་ ན་ དབྱས་གཞུང་ གཞན་པོ་ འབྲལ་བའི་ དང་ ཅིངས་ སློན་པོ་ Dr. Mansukh Mandivya གི་ གསུང་པོ་ ཨིན་ - གཞུང་ གི་ འཆར་གཞི་ སྤྱད་པོ་ ལུའི་ ཐོག་ལས་ ཅིངས་ ར་ཅ་ ལས་ཁུང་ ལུ་ ལོ་ རྒྱར་བ་ ལེདམ་ བྱས་ཤང་ དོན་ལས་ མངའ་ཕྱེ་ ལུ་ ལོ་ རོར་རམ་ ཕུལ་ ཡོད།

RS SPORTS

ཅེདམ་ གློན་ཚོ་ཁང་གི་ གསུང་ ཡོད་ རྒྱ་གར་ ཅེདམ་ འཛིན་སྐྱོང་ SAI གི་ རྒྱལ་ཁབ་ གང་རྒྱུད་ ན་ ༡༥ ཐམ་བ་ རྒྱལ་ཁབ་ Centre of Excellence ལུ་
བཟོ་བཞག་ ཡོད། Rajya Sabha ན་ ད་རིང་ ཅེག་ སྤྱི་བའི་ ལན་ ན་ དབུས་གཞུང་ གཞན་པོ་ འབྲེལ་བོ་ དང་ ཅེདམ་ གློན་པོ་ Dr. Mansukh Mandaviya གི་
གསུང་བོ་ ཨིན་ ད་ལྟོ་ དངུལ་ཅིས་ ལོ་ 2024-25 ན་ གཞུང་གི་ རྒྱ་གར་ ཅེདམ་ འཛིན་སྐྱོང་ དང་ Centre of Excellence ལུ་ བཟོ་ཤད་ འོན་ལས་ ཟ་ཡ་ 822
crores དངུལ་ ཐག་བཅད་ གནང་ཞག་ ཡོད། ཁོང་གི་ གསུང་བོ་ ཨིན་ 2023-24 ན་ 796 crore དངུལ་ལུ་ འདི་ འོན་ལས་ མགོ་བོ་ ཨིན།

WOMEN'S FOOTBALL

འབྲས་ལྗོངས་ གྱི་ འུ་མོ་ football team Uttarkhand གི་ Haldwani ན་ ཐོན་མཁན་ ཐེང་ ༡༩ པོ་ རྒྱལ་ཁབ་ ཅེདམ་ ༢༠༢༥ གི་ འོན་ལས་ ཅེད་ཐོབ་པོ་
ཐོན་ཡོད། འབྲས་ལྗོངས་ པོ་ལོ་ ཚཱ་པའི་ འབྲུང་ཁུང་ འོན་བཞིན་ ༢༠༢༣ - ༢༠༢༤ གི་ Hero National Football Championship མངའ་ཕྱེ་ ཚཱ་པའི་
ལད་ཤོག་ ལྷུ་བ་གེ་ ཐོབ་ཚུད་ས་ལས་ ཨིང་ཅན་ རྒྱལ་ཁབ་ ཅེདམ་ ན་ ཚཱ་པ་ འདིའི་ གོ་སྐབས་ ཐོབ་ཡོད། ཐེངས་ ༡༩ པོ་ National Games འདི་ འོང་མཁན་ Feb
ཟླ་བ་ ༢༠༢༥ ལས་ འགོ་བཙུག་ཤད་ ཨིན།

SELECTION TRIAL SSA

State Sports Academy ན་ ཀླང་ཅེ་ པོ་ལོ་ ཅེད་མཁན་ ལུ་ ལོ་ མངལ་ ཐོབ་ཤད་ འོན་ལས་ ལྷང་ཏྲོག་ རྫོང་ཁའི་ འོན་ལས་ གསོར་སད་ ལས་རིམ་ ལྷང་ཏྲོག་ གི་
དཔལ་འབྱོར་ ཅེད་ཐང་ ན་ ད་རིང་ ལས་ འགོ་བཙུག་ ཡོད། Academy ན་ ༣༠ ཐམ་བ་ ཅེད་མོ་ ལུ་ ལོ་ ལྷུག་ཤད་ འོན་ལས་ ཅེདམ་ དང་ གཞན་པོ་ འབྲེལ་བའི་
ལས་ལག་ གི་ ཉམ་ ༢ གསོར་ཤད་ ལས་རིམ་ ཐོན་བཞིན་ ཡོད། ད་རིང་ ཉམ་ དང་པོ་ ན་ ༡༥༠ ལས་ ལྷང་པོ་ གཞན་པོ་ ཅེད་མོ་ ལུ་ གྲུང་ལེན་པོ་ ཨིན། མངའ་ཕྱེ་
ཅེད་མོ་ གློབ་གྲྭ་ འདི་ མངའ་ཕྱེ་ གཞུང་གི་ ལོ་ ༢༠༠༥ ན་ དཔལ་འབྱོར་ ཅེད་ཐང་ ན་ ཚཱ་པོ་ ལྷང་ རྒྱལ་ཡོང་ གས་ གི་ ཅེད་མོ་ ལུ་ གློབ་གྲྭ་ གི་ ད་ལྟོ་ སང་ལྟེ་
Nirmal Chettri, Sanju Pradhan དང་ Bikash Jairu གེམ་ གྲུང་ཁ་ ལྷང་པོ་ ན་ ལད་ཤོག་ པོ་ལོ་ ཅེད་མོ་ ལུ་ འོན་ཚུད་ ཡོད།